

К ОПУБЛИКОВАНИЮ

КОМИ РЕСПУБЛИКАЛӦН ОЛАНПАС

«Коми Республика мутасын йӧзӧс уджӧн могмӧдан юкӧнын ӧткымын юалӧм йылысь» Коми Республикаса Оланпасӧ вежсьӧмьяс пыртӧм йылысь

Примитӧма Коми Республикаса
Каналан Сӧветӧн

2022 вося вӧльгым тӧлысь 30 лунӧ

1 статья. Пыртны «Коми Республика мутасын йӧзӧс уджӧн могмӧдан юкӧнын ӧткымын юалӧм йылысь» Коми Республикаса Оланпасӧ (Коми Республикаса канму власьт органьяслӧн индӧд-тшӧктӧмьяс, 2007, 1 №, 4661 ст.; 8 №, 4934 ст.; 2010, 24 №, 567 ст.; 2011, 55 №, 1667 ст.; 2013, 37 №, 696 ст.; 2014, 27 №, 528 ст.; 33 №, 676 ст.; 35 №, 725 ст.; 2015, 11 №, 141 ст.; 142 ст.; 2017, 9 №, 140 ст.; 2018, 14 №, 228 ст.; 19 №, 351 ст.; 2020, 17 №, 273 ст.; 2021, 18 №, 333 ст.) татшӧм вежсьӧмьяс:

1. 2 статьяса 2 пункт гижны тадзи:

«2) Россия Федерацияса Оланподулӧн, федеральной оланпасьясӧн, Коми Республикаса Оланподулӧн да Коми Республикаса оланпасьясӧн урчитӧм мукӧд уджмог.»

2. 4 статьяса 1 юкӧнын:

1) 6 пунктса «з» пунктув гижны тадзи:

«з) уджтӧмалысь гражданы да гражданы, кодьясӧс лӧсялана удж корсьӧм могысь пасйӧма йӧзӧс уджӧн могмӧдан службаса органьясын, мӧдлаӧ мунӧмын да уджтӧмалысь гражданы да гражданы, кодьясӧс лӧсялана удж корсьӧм могысь пасйӧма йӧзӧс уджӧн могмӧдан службаса органьясын, да налӧн семьяӧ пырысьяслы йӧзӧс уджӧн могмӧдан службаса органьяслӧн ыстӧм серти уджавны пырӧм могысь мӧд местаӧ овмӧдчӧмын отсалӧм;»;

2) содтыны татшӧм сюрӧса 25⁸ да 25⁹ пунктъяс:

«25⁸) Коми Республикаса удж рынокын аслыспӧлӧслуньясӧ да гражданаӧн, кодьяс корсьӧны удж, дасьӧсь сыӧ босьтчыны да олӧны Коми Республика мутасын, прӧст уджалан местаясын да вакантной чиньясын уджавны позянлунсӧ тӧд вылӧ босьтӧмӧн чиньяслысь, уджсикасьяслысь, специальностьяслысь лыддьӧг вынсьӧдӧм, кытчӧ уджалысьясӧс оз корны уджалан ресурсьяслысь мобильностьсӧ кыпӧдан дӧнму уджтас збыльмӧдӧм серти;

25⁹) сьӧмӧн отсӧглысь мындасӧ, тайӧ статьялӧн 1 юкӧнса 6 пунктса «з» пунктулын индӧм гражданы сийӧс сетан пӧрадоксӧ да условиеясӧ урчитӧм;».

2 статья. Тайӧ Оланпасыс вынсялӧ сийӧс официальной йӧзӧдан лун

бöрын дас лун кольöм мысти, тайö Оланпаслön 1 статьяса 2 пункт кындзи,
мый вынсялö 2023 вося тöвшöр тöлысь 11 лунсянь.

Коми Республикаса Веськöдлан котырлы примитны нормативнöй
инöда актяс, кутшöмьяс могмöдöны тайö Оланпас збыльмöдöмсö.

Коми Республикаса Юралысь

В.В. Уйба

Сыктывкар

2022 вося öшым тöлысь 5 лун

112-РЗ №